

SMJERNICE OPĆINSKOG SUDA U KONJICU I KANTONALNOG SUDA U MOSTARU ZA POSTUPANJE U IZVRŠNOM POSTUPKU

Na osnovu čl. IV.C.1.3. Ustava Federacije Bosne i Hercegovine (Sl. novine F BiH broj 1/94, 13/97, 16/02, 22/02, 52/02, 63/03, 9/04, 20/04, 33/04, 71/05, 72/05 i 88/08) i čl. 5. Zakona o sudovima u Federaciji BiH (Sl. novine F BiH broj 38/05, 22/06, 63/10, 72/10, 71/13 i 52/14) s ciljem ujednačavanja sudske prakse i unaprjeđenja efikasnosti, pravičnosti postupanja u izvršnom postupku sukladno odredbama Zakona o izvršnom postupku u Federaciji BiH (Sl. novine F BiH broj ("Sl. novine F BiH", br. 32/03, 33/06, 39/09, 35/12, 46/16, kraće ZIP), Općinski sud u Mostaru i Kantonalni sud u Mostaru u okviru Projekta "Unapređenje kvalitete pravosuđa" kojeg provodi Visoko sudsko i tužilačko vijeće Bosne i Hercegovine, Sudska administracija Norveške i Sudsko vijeće Nizozemske sačinili su godine Smjernice za postupanje u izvršnom postupku sudova u Hercegovačko-neretvanskom kantonu. Ovo je upućujući akt koji predstavlja pozitivne prakse i razumijevanje procesnih odredbi, kojima se doprinosi ujednačenom postupanju, ekonomičnosti postupka i većoj procesnoj disciplini, ali istovremeno ostaje i autonomno pravo sudije da, u skladu sa pravnim i činjeničnim stanjem iz konkretnog predmeta, primijeni zakon u skladu sa svojim slobodnim sudijskim uvjerenjem.

Član 1

Sudija ima vodeću ulogu u postupku i tokom cijelog postupka aktivno upravlja postupkom u okviru svojih zakonom predviđenih procesnih ovlaštenja, vodi računa o efikasnosti, ekonomičnosti postupka i balansu prava stranaka.

Član 2.

Ukoliko je tražitelj izvršenja u svom prijedlogu predložio i sud uvažio predloženi predmet i sredstvo, nakon što tražitelj predloži promjenu predmeta i sredstva izvršenja, sud neće dozvoliti promjenu ukoliko prethodno određeni predmet i sredstvo ne budu iscrpljeni odnosno bude utvrđeno da je takvo izvršenje nemoguće. (član 8)

Član 3. (član 19.ZIP-a)

Izvršenje odluke stranog suda može se odrediti i provesti ako odluka ispunjava zakonom propisane uvjete za priznanje, a propisane uvijete Zakonom o rješavanju sukoba zakona s propisima drugih zemalja u određenim odnosima.

Član 4. (član 34. stav 4. ZIP-a)

Ukoliko tražitelj izvršenja u roku od 15 dana od dana kada je primio obavijest suda o smrti izvršenika ne predloži privremenog zastupnika nasljednika, sud će prijedlog tražioca za produženje roka od 15 dana odbaciti, jer je navedeni rok zakonski a ne sudski, te se isti ne može produžavati, a neimenovanjem privremenog zastupnika u ostavljenom roku je razlog za obustavu postupka.

Član 5. (čl. 37 ZIP-a)

U postupku protivizvršenja po prijedlogu izvršenika sud će nakon dostave prijedloga tražiocu izvršenja, kada ocjeni da je prijedlog osnovan, prvo donijeti rješenje kojim se usvaja prijedlog za protivizvršenje (rješenje o određivanju protivizvršenja) i njime se poziva tražilac izvršenja da u određenom roku vrati ono što je primio po rješenju o izvršenju (čl. 55)

Nakon što prethodno rješenje postane pravosnažno i izvršno sud će donijeti rješenje kojim određuje protivizvršenje (čl. 56) sa istim elementima kao rješenje o izvršenju (čl. 39).

Na oba rješenja dozvoljen je prigovor, a žalba na rješenja kojim je prvostepeni sud odlučio o prigovoru (čl. 12. st. 2)

Član 11.

Neuplaćen predujam za rad sudskog izvršioca nije razlog za obustavu postupka, jer sud treba prvo pozvati tražioca izvršenja da predloži drugi predmet i sredstvo izvršenja (čl. 16. st. 2. i čl. 63. st. 3. i st. 4).

Član 12. (čl.73 ZIP-a)

Prilikom planiranja zakazivanja ročišta za prve prodaje nekretnina, sud će od ZK. ureda pribaviti zk. izvadak za nekretninu koja je predmet prodaje, te će nakon uvida u isti utvrditi da li postoje ranije određeno izvršenje u kojem slučaju će donijeti zaključak da se predmet naslovnog broja pripaja starijem broju ili ukoliko je njegovo izvršenje najstarije dužan je sva izvršenja koja su kasnije određena zaključkom spojiti u svoj najstariji.

Član 13. (čl.125 ZIP-a)

Primjena čl. 63. st. 3. i st. 4. ne dolazi u obzir u slučajevima kada je zakon izričito propisao obustavu postupka kao u čl.125 st. 3.

Konjic, 07.06.2021. godine